

Na osnovu člana 17. stav 2. i člana 72. Zakona o hrani ("Službeni glasnik BiH", broj 50/04), i člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine, na 144. sjednici održanoj 24. februara 2011. godine, donio je

PRAVILNIK

O IZMJENAMA I DOPUNAMA PRAVILNIKA O UPOTREBI BOJA U HRANI

Član 1.

- (1) U Pravilniku o upotrebi boja u hrani ("Službeni glasnik BiH", broj 85/08), u članu 5. (Liste odobrenih boja u hrani) iza stava (6) dodaje se novi stav (7) koji glasi:
- "(7) Boje nevedene u Aneksu VI. mogu se upotrebljavati u hrani samo ako sadrže dodatne podatke u vezi sa označavanjem."
- (2) Dosadašnji stav (7) člana 5. postaje stav (8) koji se mijenja i glasi:
- "(8) Aneksi I., II., III., IV., V. i VI. sastavni su dio ovog pravilnika."

Član 2.

Iza Aneksa V. dodaje se Aneks VI. koji glasi:

"ANEKS VI.

Lista prehrambenih boja za koje se navode dodatni podaci pri označavanju u hrani

Hrana koja sadrži jednu ili više sljedećih prehrambenih boja	Podaci
Zalazak sunca žuta FCF Narandžasto žuta S (E110) (*)	"ime ili E broj boje/boja": može imati štetno djelovanje na aktivnost i pažnju djece
Kvinolin žuta (E 104) (*)	
Azorubin, Karboizin (E122) (*)	
Alura crvena AC (E 129) (*)	
Tartrazin (E102)(*)	
Ponso 4R, Košenil crvena A (E 124) (*)	
(*) Sa izuzetkom hrane u kojoj se boja (boje) koristi(e) za označavanje zdravstvene ispravnosti ili drugo označavanje na mesnim proizvodima ili za žigosanje ili ukrasno bojenje ljuske jaja."	

Član 3.

- (1) U Specifičnim kriterijima čistoće koji se odnosi na odobrene boje za upotrebu u hrani, Dio drugi, kod aditiva E 160e BETA-APO-8'-KAROTENAL (C30), čistoća, teški metali (kao Pb), iza riječi: "najviše do" broj "10 " zamjenjuje se brojem "40".
- (2) U Specifičnim kriterijima čistoće koji se odnosi na odobrene boje za upotrebu u hrani, Dio drugi, kod aditiva E 160f ETIL

ESTER BETA-APO-8'-KAROTENSKE KISELINE (C30),
čistoća, teški metali (kao Pb), iza riječi: "najviše do" broj
"10" zamjenjuje se brojem "40".

Član 4.

Dozvoljena je prodaja hrane koje se u trenutku stupanja na snagu člana 5. stav (2) ovog pravilnika nalazi na tržištu dok joj ne istekne rok upotrebe, kao i hrane koja potiče iz uvoza, a za koju je pokrenut postupak uvoza prije stupanja na snagu člana 5. stav (2) ovog pravilnika.

Član 5.

- (1) Ovaj pravilnik stupa na snagu osmog dana od dana objavljivanja u "Službenom glasniku BiH".
- (2) Član 1. stav (1) i član 2. ovog pravilnika primjenjivat će se po isteku šest mjeseci od dana stupanja na snagu ovog pravilnika.

VM broj 45/11
24. februara 2011. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.